


《唯識三十頌直解》 補充講表

◎附表十三：以下糅合蕩益大師《成唯識論觀心法要》

○依止根本識，五識隨緣現，或俱或不俱，如波濤依水。

◆五識隨緣現

※《成唯識論觀心法要》卷七云：「五識種類相似者：



※《成唯識論觀心法要》卷七云：「作意根境等緣者：謂眼識藉九緣生：一、空。二、明。

三、根。四、境。五、作意心所。六、根本依：即第八識。七、染淨依：即第七識。八、分別依，即同時意識。九、種子依：即第八識中所藏轉識種子也。耳識藉八緣生，不須明緣，以暗中亦聞聲故。鼻識、舌識、身識，皆藉七緣而生，不須空明，以合時方知故。」

○意識常現起，除生無想天，及無心二定，睡眠與悶絕。

※《成唯識論觀心法要》卷七云：「第六意識所藉五緣：一、意根。二、法境。三、作意。

四、根本依。五、種子依。此五種緣，一切時中定皆可得，唯除生無想天等五位，名為違緣也。」

◆一、無想天：色界之第四禪天，壽命為五百大劫。八難之一，以其五百劫心想不行。

※《成唯識論觀心法要》卷七云：「三禪已下，想麤難斷。四空滅色存心，無想滅心存色。

故四空天，無此無想異熟之處。當知無想異熟，必寄第四禪天處也。思業，即思心所，令心造作無想定業，所熏成種以為其因，乃招感於彼天之果。」

○無心二定（無想定及滅盡定）

※《成唯識論》卷七云：「無心二定者：謂無想定及滅盡定，俱無（前）六（轉）識，故名

無心。」

◆二、無想定（以下糅合《成唯識論觀心法要》卷七）

◆謂修此定者，本由厭患麤想，欣慕彼無想果，然後得入，則是非滅計滅，故唯有漏。而有學無學二種聖人，不起此定，唯是非學無學攝也。（以下糅合《佛光大辭典》）

◆三、滅盡定：滅盡六識心心所，而不使起之禪定，三果以上之聖者，為假入涅槃之想而入此定，此為九次第定之最高境界。

△滅盡定：即滅受想定。（以下糅合《成唯識論觀心法要》卷七）

◆凡佛弟子欲修滅盡定者，必依次第而修。謂先以覺觀淨除欲染，離生喜樂而入初禪。次以內淨捨離覺觀，定生喜樂而入二禪。次更捨棄喜動，離喜妙樂而入三禪。次更雙亡苦

樂，捨念清淨而入四禪。次更減色緣空，入無邊空處定。次更減空緣識，入無邊識處定。次更減識緣無所有，入無所有處定。次更減無所有，緣於非想非非想處，入非想非非想定。次後了知此種極微細想，仍是有漏有為。即依此定，遊觀寂滅真無我理，伏滅第六心王心所；並伏第七識中，俱生我執令不現行，乃入此滅盡定。是故九次第定，此居最後。不依有頂，不能加行證入也；雖依有頂，而非有漏。以必遊觀無漏，方能入故。若修至淳熟，則隨意出入，無不自在。或於無所有地心後得入，或於識處地心之後得入，乃至或於離生喜樂地心之後得入，或於欲界散地心後，亦得徑入也。

◆四、極重睡眠：是因極度疲乏之緣所引起。眾生睡眠之時，眼耳鼻舌等六識昏昧，不能見聞覺知，故亦屬無心之位。

◆五、極重悶絕：係因風熱等之緣所引起。眾生驚倒悶絕之時，六識昏昧，見聞覺知一時頓息。氣絕時亦無意識，屬悶絕之最極。